



銅羅環耶穌皇帝聖堂之正面

### ○香港銅羅環耶穌帝皇 新聖堂開幕紀盛

本年新曆五月十號、為香港銅羅環保祿聖堂

內耶穌帝皇新聖堂開幕、是日早、本港恩主  
 教赴堂主行開幕禮儀、并唱大彌撒、與禮者  
 不下千人、午後三時半、則舉行開幕典禮、  
 保祿聖堂內諸女孩、及外來之女學生百餘人  
 、並主教神父等、先巡遊堂外一週、有類斯  
 學堂之音樂隊隨送、遊畢、乃由新堂之正門  
 而入、入堂後、先由香港最著名之音樂大家  
 戴司鐸奏其大琴、及唱耶穌帝皇歌、並唱  
 Deum 婉轉抑揚、極其動聽、繼由耶穌會蔡

司鐸宣講英文道理、道理畢聖體降福、降福  
 後乃散、計是下午來參禮者、主教四位、神  
 父四十餘位、而教友與外教人等、亦有千人  
 以上、濟濟一堂、頗極壹時之盛、  
 按此耶穌帝皇堂、乃法國姑娘所建築、其則  
 乃陳乃棠君所繪贈、奠基於壹千九百二十八  
 年、背山面水、左為保祿聖堂、斜向法國醫  
 院、內有大花園壹座、其外四週、則繞以圍  
 牆、規模極其宏大、入其內者、如入壹小城  
 、幾不知其身之仍在香港也、至其建築費不  
 下十萬元、堂身高峙霄漢、堂內大琴唱經樓  
 俱全、而祭台聖像聖相等、甚為華麗、其華  
 麗處、除無原罪大堂外、為香港各聖堂之冠、